



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Serapia V. M. 3. Septembris.

[urn:nbn:de:hbz:466:1-62968](#)

mo? nunc anima mea! esto tuj judex & tortor: nunc
patere corpus, nam in quantum non pepercis tibi, in
tantum tibi Deus (crede) parcer. Tertull.

2. Si quando Sermo fit de aliis æquiorem te illis
præbeas, eorum de rebus loquere perinde ac si tuæ
essent. Si te audiamus, quidquid agis, est perfectissi-
mum, imperfectum verò, quidquid agunt alii parum
æquitatis & multum superbiæ est in hoc judicio. Si
plus Deum & proximum, minus verò te amares,
nunquam male de proximo tuo loquereris. Omnes
intelligent esse te hominem rectum & justum.

3. Laboraut indies Justior & Sanctior fias. Im-
memor bonorum operum, & peccatorum tuorum
memor agere pœnitentiam, ut tua possis luere pec-
cata. Vide quam parùm Christum & Sanctos imite-
ris. Compara vitam tuam cum tot piorum hominum,
quorum virtus tibi perspecta est & erubescet, quod
adhuc tam grandis tibi restet via ad Sanctitatem. Pro-
gredere, non est hic quieti locus. In via vita non progre-
di regredi est, cum nihil in eodem statu remaneat. Bern.

S. SERAPIA V. M.

3. Septembri.

*Opus suum probet unusquisque &
sic in semetipso tantam gloriam
habebit, & non in altero. Paul, ad
Galat. 6.*

Ille

Ille neget Amazonas militares fæminas ei-
se, aut dicat effeminatas esse milites, qui
Serapiæ non legit triumphos. Qualibuscum-
que machinis crudelitatis hanc Virginem ty-
rannus oppugnaret, non potuit evincere,
ut vel fidei propugnaculum, aut arcem Vir-
ginitatis dederet. Immisit invasores lenones,
leonibus efferratores, duos dissolutæ vita-
dolescentes, qui reluctanrem cogerent, &
Virginitatis thesaurum diriperent, sed facile
erat propugnatoribus quondam Angelis, qui
Heliodorum thesauros templi diripientem
flagellârunt, horum quoque Juvenum pro-
caciā castigare. Corruerunt exanimes ante
pedes SER APIÆ ambo impudici cupidines.
Quæ ideò à maleficiis venefica judicata. Mox
tamen beneficam se ostendit, quando utrum-
que ad vitam revocavit. Ferro nihilominus
adjudicavit tyrannus, ceu Saga esset, quæ
non in Sago sed in purpura verecundiæ vice-
rat. Parcere debuisset judex iniquus ferri sup-
plicio, nisi ipse ferro obstinatior fuisset. Ig-
tur variis cruciatibus lacerata est, pro eo quod
integritatem violari non passa fuerit, & tan-
dem obtruncata lac fudit & sanguinem, ut
ostenderet, quâ viâ properaret ad spnsum ani-
mæ suæ CANDIDVM & RVBICVNDVM.

pur.

Purpura & candor sunt patruelles colores:
Virginitas & verecundia consanguineæ virtu-
tes sunt.

MEDITATIO.

De Puritate conscientiae.

1. Conscientia nostra speculum est. In illo facile
animæ tuæ vitia reprehendes. Diligenter ob-
servas corporis tui nœvos, ut eos si potes quampri-
mū emendas; quare animæ tuæ vitia quæ toti displi-
cent cælesti curiæ tam parum curas? ora Deum ut
gratiam impertiat ea dignoscendi; revertere ad Deum
tuum dissipabit tibi omnes tenebras, quibus conscienc-
iam tuam obscurasti. *Quanta cunq[ue] tenebras tuo facto
superstruxeris Deus lumen est.* Tertull.

2. Ne similis sit tua conscientia quibusdam speculis
quæ objecta majora vel minora falso referunt, sed ea
referat ut revera sunt. Ne sit adeò laxa, ut graviora cri-
mina quasi leviores culpas ducat; nec sit nimis stricta
&, ut ajunt, scrupulosa; duo hæc devita? modum te-
nebis si prudenti moderatori, cui conscientia tuæ pe-
netralia aperias, obtemperaveris. Vide an sit laxior
tua conscientia.

3. Quas speculum indicat maculas, eas eluis; elue
pariter vitia, quorum te conscientia remordet: neque
exemplo deformium mulierum abjicias speculum,
quod tuam tibi prodat deformitatem. Quotidie intue-
re vitam tuam in hoc speculo quantumvis fastidioso,
& cave maculis deletis iterum fædēris. *Novum siquidem
monstri genus est, eadem penè omnes jugiter facere, que fe-
cisse se piangunt.* Salyian.

S. RO-